

Sakspapir

Saksnr	Utvalg	Type	Dato
057/19	Formannskapet	PS	06.06.2019
039/19	Kommunestyret	PS	20.06.2019

Saksbehandler	Arkiv	ArkivsakID
Olav Mongstad	FE-231	18/856

Betaling for tryggleiksalarm 2. halvår 2019

Framlegg til vedtak:

Austrheim kommunestyre aukar satsane for tryggleiksalarm med 60 kr pr mnd rekna frå 01.08.2019.

Dei nye satsane blir:

Kr 266 pr mnd for inntekt inntil 2G

Kr. 428 pr. mnd for inntekt over 2G

Grunngjevinga for auken er overgang til ny teknologi.

Formannskapet - 057/19 - 06.06.2019

FS - behandling:

Handsaming i formannskapet:

Rådmannen sitt framlegg vart samrøystes vedteke

FS - vedtak:

Austrheim kommunestyre aukar satsane for tryggleiksalarm med 60 kr pr mnd rekna frå 01.08.2019.

Dei nye satsane blir:

Kr 266 pr mnd for inntekt inntil 2G

Kr. 428 pr. mnd for inntekt over 2G

Grunngjevinga for auken er overgang til ny teknologi.

Kommunestyret - 039/19 - 20.06.2019

KS - behandling:

Assisterande rådmann Monika Kvamme orienterte om auken. Kvamme sa at det har vore spørsmål om kommunen kan auka satsen også for dei med inntekt under 2G, og svara at det ikkje er noko slik grense for eigenandel for tryggleiksalarmar. Grensa på maksimalt 210 kroner for dei med inntekt under 2G gjeld berre praktisk bistand. Samanlikningar med nabokommunane viser at det er litt ulike satsar i bruk.

Per Lerøy (Ap) viste til at når satsen no vert auka, så er det av di at ein tek i bruk ny teknologi.

Handsaming i kommunestyret:

Samrøystes for rådmannens framlegg til vedtak.

KS - vedtak:

Austrheim kommunestyre aukar satsane for tryggleiksalarm med 60 kr pr mnd rekna frå 01.08.2019.

Dei nye satsane blir:

Kr 266 pr mnd for inntekt inntil 2G

Kr. 428 pr. mnd for inntekt over 2G

Grunngjevinga for auken er overgang til ny teknologi.

Saksopplysninger:

Bakgrunn

I K-sak 103/18, 13.12.2018, gjorde kommunestyret følgjande vedtak:

KS - vedtak:

Austrheim kommunestyre vedtek å auke betalingssatsen for tryggleiksalarm med 4 % for 2019.

Prisen vert då kr. 368,- pr. mnd. for dei som tener over 2 G.

For dei som tener mindre enn 2 G vert prisen sett til kr. 206,- pr. mnd. Austrheim kommune jobbar med omsorgsteknologi, som vert ei lovbestemt teneste frå 2020. I løpet av 2019 vil kommunen få på plass ein del nye teknologiske hjelpemiddel, og rådmannen må komma tilbake til kva dette vil kosta for brukarane. Dette vert ei større investering for kommunen

Austrheim Kommune har vore med i prosjektet *Saman om velferdsteknologi* i Nordhordlandsprosjektet i lag med først 10 kommunar og no seinare 17 kommunar i Vestlandsprosjektet. Målet med prosjektet har vore ta i bruk ny teknologi til beste for innbyggjarane våre. Prosjektet har gått over nokre år og vi er no i ferd med å avslutte prosjektet. Vi har undervegs sett på kva behov vi har Austrheim og kva utstyr som haster mest i første om gong. Vi har drøfta kva type utstyr vi no skal ta i bruk først, og kva utstyr

som vi kan vente med. Vi ser for oss er det som haster mest å få på plass nye tryggleiksalarmer. Vi har i dag ca. 40 tryggleiksalarmer, som går til sentral på Nordliheimen. Denne sentralen er gammel og lar seg ikkje lengre skaffe deler til. Vi går for ny løysing via Atea, som er den leverandøren som er vald til å levera utstyr til prosjektet.

Vurdering

Austrheim kommune har bestilt 50 alarmer som vi skal kjøpe . Alarmene vil gå til smarttelefoner via app til heimesjukepleien.

Alarmene kjem på plass i byrjinga av juni. Vi kjem til å kjøpe responscenter-teneste frå DORO, slik at dei besvarer alarmene først. Denne tenesta vil vi kjøpe no i sommar fordi ny teknologi kjem opp i vår sommeravvikling .

Kommunestyret sa i budsjettvedtaket for året 2019 at vi skulle komme tilbake med nye satser når vi tar i bruk ny omsorgsteknologi.

Konklusjon

Vi har i dag 2 priser på å leige tryggleiksalarm hjå Austrheim Kommune,

- Kr. 206 pr. mnd, inntekt opptil 2 G
- Kr. 368 pr.mnd, inntekt over 2G.

Rådmann foreslår at prisane vert tillagt kr. 60 pr alarm pr. mnd for å dekke nokre av våre utgifter med kjøp av ny alarm, simkort i kvar alarm og lisens.

Pris pr. ny alarm er 3000 kr i innkjøp, i tillegg kjem ei rekke tillegg på utstyr som høyrer med .

Dei nye satsane gjeld frå 01.08.2019

Ny sats:

Kr 266 pr mnd for inntekt inntil 2G

Kr. 428 pr. mnd for inntekt over 2G

Satsane vil verta evaluert i forhold til nytt budsjett 2020. I tillegg vil vi sjå på kva det vil koste å ha fleire typer velferdsteknologi, etter kvart som vi tar ny teknologi i bruk.

Det vil vera noko utstyr som skal vera gratis for brukarane, det vil vera utstyr som er gjeven i form av helsehjelp frå kommunen . Som ulike typer sensorer og medikamentstøtte.

Dette vil vi kome tilbake til.